

Breçairòla

La luna sortís de l'escur,
La luna passa a Montsegur,
E pel calminolet d'azur.
Nena, nenòta,
Çò qu'a vist, o te cantarà,
Çò que sap, o t'ensenharà,
Çò qu'aimas, o te portarà,
Dormís, Nenòta.
A vist aval, a vist amont,
Volant de la prada a la font,
Sautant la ribièra sens pont,
Nena., Nenòta,
Caminant sus son blanc caval.
Nòstra Esclarmonda, amont aval ;
Benlèu l'avèm prèp de l'ostal...
Dormís. Nenòta.
Cò que sap, o dirà suaudet
Res qu'a ton tant pichonèl det...
O gardaràs dins ton coret,
Nena, Nenòta.
Se lo lop Monfòrt l'ausissia,
Luènh, luènh, luènh nos nemenaria,
E dins son trauc nos sarraria...
Dormís, Nenòta.
Luna, la meu nena dormís...
Pòrta li, dins ton trevadís,
La Colomba del Paradís.
Luna, Lunòta,
Un arquetonel plan tibet,
Un trait a fons esponchugat
Pel lop qu'a tant espaurugat
Nòstra nenòta.

Loisa Paulin